



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ
Տ. ՍԻՄՈՆՅԱՆ

«01» 02 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0026-21

Ձեռնարկողը՝

«ԲԵՅՍԻՔ ԻՆՎԵՍՏԹՄԵՆԹ ԸՆԴ ԴԻՎԵԼՈՓՄԵՆԹ» ՍՊԸ

Երևան, փ. Մայրաթ Նուվա, շենք 21 Ա

Գործունեությունը՝ Կ. Ուլնեցի փողոց 58/10 հասցեում թվով երկու
բազմաբնակարան բնակելի շենքերի կառուցման
շրջակա միջավայրի վրա ազդեցության նախնական
գնահատման հայտ

ք. Երևան, Քանաքեռ-Զեյթուն վարչական շրջան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ԿՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ
<01> 02 2021թ. 0026-21

**Կ. Ուլնեցի փողոց 58/10 հասցեում թվով երկու բազմաբնակարան
բնակելի շենքերի կառուցման շրջակա միջավայրի վրա ազդեցության
նախնական գնահատման հայտ**

Ձեռնարկող՝ «ԲԵՅՍԻՔ ԻՆՎԵՍՏԻՄԵՆՏ ԸՆԴ ԴԻՎԵԼՈՓՄԵՆՏ» ՍՊԸ
Փաստաթղթի տեսակը՝ Շրջակա միջավայրի վրա ազդեցության
նախնական գնահատման հայտ
Գործունեությունը՝ «Գ» կատեգորիա
Տեղադրման վայրը՝ ք. Երևան, Քանաքեռ-Զեյթուն վարչական շրջան


Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 7)-րդ կետի ա. ենթակետի՝ բազմաբնակարան բնակելի շենքերի կառուցումը որպես քաղաքաշինության բնագավառի գործունեություն դասակարգվում է «գ» կատեգորիայի գործունեության տեսակների ցանկում:

Ներածական մաս Գործունեության նպատակն է Երևան քաղաքի Քանաքեռ-Զեյթուն վարչական շրջան Կ. Ուլնեցի փողոցի 58/10 հասցեում գտնվող հողամասում կառուցել թվով երկու բազմաբնակարան բնակելի շենքեր: Նախագծային աշխատանքների համար հիմք է հանդիսացել Երևանի քաղաքապետարանի կողմից 2020 թվականի սեպտեմբերի 28-ին տրված N01/18-07/2-5969-904 նախագծման թույլտվությունը, (ճարտարապետահատակագծային առաջադրանք) կառուցապատողի նախագծային առաջադրանքը, գործունեության տեղամասում իրականացված ինժեներաերկրաբանական ուսումնասիրությունները: Կառուցապատվող հողամասի նպատակային նշանակությունը բնակավայրերի է, իսկ գործառնական նշանակությունը, կամ հողատեսքը՝ խառը կառուցապատման: Հողամասը սեփականության իրավունքով (վկայականի N 16062020-01-0256) պատկանում է կառուցապատող՝ «ԲԵՅՍԻՔ ԻՆՎԵՍՏԻՄԵՆՏ ԸՆԴ ԴԻՎԵԼՈՓՄԵՆՏ» ՍՊ ընկերությանը /այսուհետ՝ Ընկերություն/, զբաղեցնում է ընդհանուր 0.30364 հա մակերես:

Նկարագրական մաս Գործունեության ենթակա տարածքը գտնվում է Ուլնեցի-Ռուբինյանց մայրուղու երկայնքով, փողոցի անմիջապես հարևանությամբ: Գեոմորֆոլոգիական տեսակետից բնութագրվում է հյուսիսից-հարավ թեքությամբ, ծովի մակերևույթից բացարձակ նիշերի տարբերությունը կազմում է 1208.0-1210.0 մ: Տարածքում բացակայում են քանդման ենթակա շինությունները, տեղափոխման ենթակա ինժեներական ցանցերը, ազդեցության ենթակա ծառափայլին բուսականությունը: Տարածքը ներկայացված է խճային գրունտների ծածկույթով, բացակայում է բուսահողը: Գրունտային ջրերը գտնվում են 30 մ-ից խորը հորիզոններում: Ինժեներաերկրաբանական պայմանները բարենպաստ են տեղամասում շինարարական աշխատանքների իրականացման համար:

Բնակելի շենքերը նախագծված են հողամասի աջ և ձախ կողմերում՝ 16 վերգետնյա և 2 ստորգետնյա հարկերով: Ստորգետնյա հարկերը նախագծված են որպես ավտոկայանատեղիներ, որոնցից յուրաքանչյուրը կձևավորվի 90 ավտոմեքենաների համար: Ստորգետնյա հարկերից մեքենաների ելքն ապահովվելու համար





կտեղափոխվի Երևանի քաղաքապետարանի կողմից թույլատրված աղբավայր: Շինարարության փուլի համար անհրաժեշտ ջրի քանակը /որը նախատեսված է շինհրապարակի ջրցանման, որոշ շինաշխատանքների կազմակերպման, ինչպես նաև աշխատակազմի խմելու և կենցաղային կարիքների համար/ նախատեսվում է վերցնել հողամասին կից անցնող քաղաքային ջրագծից:

Շինհրապարակում առաջացող հոսքաջրերի (բետոնաջուր, որը կարող է առաջանալ բետոնախառնիչների վացումից) հեռացման համար նախատեսված է կեղտաջրերի հեռացման տարա (≥ 10 խ.մ), որտեղ կհեռացվեն շինարարական կեղտաջրերը և մթնոլորտային տեղումների հոսքաջրերը: Տարայում հետերոգեն զանգվածի նստեցումից հետո ջուրը կօգտագործի ջրցանման նպատակով, իսկ նստվածքը կհեռացվի որպես շինաղբ:

Շինարարության ընթացքում շրջակա միջավայրի վրա հնարավոր բացասական ազդեցությունները և ռիսկերը պայմանավորված կլինեն անօրգանական փոշու, ծխազագերի արտանետումներով, աղմուկի մակարդակի աճով, երթևեկության ծանրաբեռնվածությամբ: Վնասակար ազդեցությունները կկանխարգելվեն և/կամ կնվազեցվեն հայտում ներկայացված բնապահպանական միջոցառումների իրականացմամբ, մասնավորապես մթնոլորտային արտանետումների կրճատման նպատակով՝

- շինարար կապալառուն պարբերաբար կիրականացնի շինարարական հրապարակի ջրցանման և փոշենստեցման գործողություններ,

- շինարարական մեքենաների երթևեկությունը կկազմակերպվի համապատասխան չափաքանակներով և ծածկող պաստառների առկայությամբ, սահմանափակ 30կմ/ժ-ը չգերազանցող արագությամբ,

- փոշի առաջացնող սորուն նյութերը (ավազ, խիճ և այլն) շինարարական հրապարակում կպահվեն պաստառներով ծածկված վիճակում,

- կիրականացվեն անվադողերը մաքրելու (ավազակոպճային մակերևույթների իրականացում) և վացման միջոցառումներ,

- կառուցվող շենքերը արտաքինից և ներքինից կծածկվեն համապատասխան բարձրության անթափանց պաստառներով,

- աշխատանքների ընթացքում պատշաճ մակարդակով կվերահսկվի նաև մեքենա-սարքավորումների տեխնիկական վիճակը:

Շինարարական աշխատանքներում աղմուկի մակարդակի նվազեցման նպատակով օգտագործվող մեքենա-սարքավորումները կշահագործվեն աղմկակլանիչների և խլացուցիչների առկայության դեպքում և կանոնավոր կերպով կհսկվի վերջիններիս տեխնիկական վիճակը: Աղմուկ առաջացնող գործողությունների համար սահմանվել է ժամանակացույց՝ /ընդգրկելով՝ ժամը 14:00-ից 18:00-ը/ հնարավոր սոցիալական ազդեցություններից խուսափելու նպատակով:

Հայտում ներկայացվել են նաև տարբեր տեսակի թափոնների կառավարմանն ուղղված միջոցառումներ: Շինհրապարակում քայուղերի և հեղուկ վառելիքի տարաները կպահվեն հատուկ անթափանց (ավազե, մետաղական կամ բետոնե) հիմքերի վրա, բացառելու նպատակով հնարավոր արտահոսքերը շրջակա արածքներ: Շինարարության ընթացքում առաջացող՝ 17422 խ.մ մնացորդային գրունտը և 280 խ.մ շինաղբը ժամանակավոր կուտակվելու է շինհրապարակում կազմակերպված կույտերի տեսքով՝ հատուկ հատկացված տեղերում, այնուհետև կանոնավոր կերպով տեղափոխվելու է Երևանի քաղաքապետարանի կողմից թույլատրված աղբավայր:

Շինարարության ընթացքում աշխատողների անվտանգության ապահովման համար, հնարավոր արտակարգ իրավիճակներից խուսափելու և ռիսկերը



նվազագույնին հասցնելու նպատակով նախատեսվել են միջոցառումների համալիր, որում ներառվել են նաև հակահրդեհային միջոցառումներ:

Կառուցապատվող տեղամասում կանաչապատման համար նախատեսվում է տեղանքի բնակլիմայական պայմաններին համապատասխանող ծառատեսակների տնկում, այդ թվում՝ եղևնիներ (6 հատ), սրատերև թխկիներ (15 հատ), սոճիներ (10 հատ), հացենիներ (5 հատ), դեկորատիվ ծառատեսակներից՝ գնդաձև թույաներ (177 հատ) և վարդեր (32 հատ): Կանաչապատ գոտիներում կիրականացվի նաև բազմամյա խոտաբույսերի ցանք: Ոռոգման ցանցի նախագիծը և կանաչապատման/դենդրո նախագիծը համաձայնեցվել է Երևանի քաղաքապետարանի հետ և ներկայացվել է հայտին կից փաստաթղթերում:

«Թվով երկու բազմաբնակարան բնակելի շենքերի» կառուցապատման ընթացքում նախատեսվող բոլոր միջոցառումները ներառվել են Հայտի բնապահպանական միջոցառումների ծրագրում: Բնապահպանական միջոցառումների գումարային արժեքը հաշվարկվել է 19037.63 հազ. ՀՀ դրամ, որի մեջ ներառված է շինարարության փուլում մնացորդային գրունտի հեռացման, կանաչապատման և այլ աշխատանքները:

Նորատունկ բուսականության խնամքը հետագայում կիրականացվի շենքերի սպասարկման աշխատանքների շրջանակում, ինչը կներառի նաև նորատունկ կանաչ գոտու վիճակի մշտադիտարկումները, որի ընթացքում կպաշտպանվեն չապահովող ծառատեսակները կփոխարինվեն նորերով:

Կառուցապատողի կողմից իրականացվելու է կանոնավոր մոնիտորինգ՝ բնապահպանական միջոցառումներ ծրագրում նախանշված մեղմացնող միջոցառումների արդյունավետ կատարումը վերահսկելու նպատակով: Հողային աշխատանքների իրականացման փուլում նախատեսված է անօրգանական փոշու չափումներ՝ 8 նմուշառումների քանակով:

Պատճառաբանական մաս. նախնական գնահատման և փորձաքննության փուլերում, ՀՀ օրենսդրությամբ սահմանված կարգով Երևան քաղաքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Հայտի վերաբերյալ փորձաքննական գործընթացում ստացված կարծիքները և դիտողությունները հաշվի են առնվել հայտի լրամշակումներում: Գործունեության վերաբերյալ Քանաքեռ-Զեյթուն վարչական շրջանում իրականացված երկրորդ քննարկման ժամանակ բարձրացվեց հարց՝ կենցաղային աղբի տարաների տեղադրման տարածքների հետ կապված, ինչը հաշվի է առնվել հայտի լուծումներում:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր բնույթ և կլինեն տեղայնացված՝ ընդգրկելով հիմնականում նախատեսվող գործունեության տեղամասը: Դրանք շինարարության ընթացքում կարող են բացառվել կամ մեղմացվել հայտի բնապահպանական միջոցառումներ ծրագրում նախանշված մեղմացնող միջոցառումների արդյունավետ իրականացմամբ:



Փորձաքննական պահանջներ

1. Շինարարական աշխատանքները կազմակերպելիս անհրաժեշտ է առաջնորդվել՝ ՀՀՇՆ 1-3. 01. 01-2008 «Շինարարական արտադրության կազմակերպման աշխատանքների կատարում» շինարարական նորմերը հաստատելու մասի քաղաքաշինության նախարարի 2008 թ. հունվարի 14-ի թիվ 11-Ն հրամանով հաստատված նորմերով և պահանջներով:

2. Շինարարության ընթացքում որպես պարտադիր պահանջներ, անհրաժեշտ է՝

- պարսպապատել շինարարական հրապարակը,
- շինությունները ծածկել համապատասխան բարձրությամբ փոշու տարածումը կանխող ցանցով,
- շինհրապարակից դուրս եկող մեքենաների անվադողերը լվանալ,
- բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

3. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:

4. Տարածքի կանաչապատման աշխատանքներն իրականացնել Երևանի քաղաքապետարանի կողմից հաստատված կանաչապատման/դենդրո նախագծի համաձայն, որպես խնամքի պարտադիր միջոցառում ապահովել կանաչ տարածքների ոռոգումը:

5. Շինարարության ընթացքում պահպանել բնապահպանական միջոցառումներ ծրագրում և մոնիթորինգի պլանում նախատեսված միջոցառումների իրականացումը և ժամանակացույցերը:

ԵԶՐԱՓԱԿԻՉ ՄԱՍ

«ԲԵՅՍԻՔ ԻՆՎԵՍՏՄԵՆԹ ԸՆԴ ԴԻՎԵՆՈՓՄԵՆԹ» ՍՊԸ կողմից Կ. Ուլենցի փողոց 58/10 հասցեում նախատեսվող «ԹՎՈՎ Երկու բազմաբնակարան բնակելի շենքերի» կառուցման շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխավոր մասնագետ՝



Ը. Մկրտչյան